



VERITABLE RECIT DE CE QUI S'EST PASSE n'aguieres sur la frontieres de Trans- sylvanie du costé de Pologne, en Boë- me & Hongrie:


*Particulierement de la deffaiëte de huit mil Cosa-
ques amassés en Pologne, avec quelques parti-
culiers du Royaume, par le sieur Homonay Hon-
grois, pour faire diuersion audit país de Transsyl-
vanie, en faueur de l'Empereur Ferdinand.*

Ensemble l'Electiõ & Couronnement de Betlem
Gabor, Prince de Transsylvanie en Roy de
Hongrie, & autres choses memorables.

*Le tout par lettres de Pragues du 29. Decembre
dernier 1619.*



Nostre ROY est heureusement
de retour de Nuremberg, où
l'Assemblée a esté belle & gran-
de: l'Vnion confirmée, & renforcée de
plusieurs, & où a esté pris de fortes & vi-



A

121787

gouereuses resolutions pour le bien & seureté commune de la patrie. Le Comte de Zollerem y enuoyé par l'empereur: y aiant fait sa proposition, y a eu responce au nom du Roy de Boëme selon icelle; & ainsi s'en seroit retourné avec peu de contentement. Ceux du Duc de Bauieres y enuoyez pour protefter de neutralité, en ont remporté dauantage. Et toutesfois ils seront bien-toft suiuis des Sieurs Comte de Solms, de Plessen, & d'vn autre de la part de S. M. de Boëme, & des autres vnis: lesquels non contans de cette declaration dudit sieur Duc, en demandent vne plus expresse d'amitié, ou d'inimitié; ou que s'il veut demeurer neutre, qu'il licentie ses troupes, qui ne peuuent qu'estre suspectes, & en ombra-ge aux vnis. Pareil enuoy sera faict de leur part vers les Princes Ecclesiastiques & Seculiers, qui iusques ici ne sont point entrez en l'Vnion, laquelle d'ailleurs, se

met en estat de tailler bien de la besoigne à ses ennemis. Pour lequel effect est attendu en ceste ville le Prince d'Anhalt nostre Generalissime, à fin de donner ordre de bonne heure à tous preparatifs necessaires pour la guerre.

La Seigneurie de Venise, les Cantons de Suisse, & autres Princes & Republiques ont conjoui sa Majesté de son advancement à cette Couronne, les vns par Ambassadeurs exprés, autres par lettres.

Maintenant ils en auront nouveau sujet en l'heureux acouchement de la Reine, d'un troisieme fils, le 27. de ce mois, dont la ioye a eité extrêmement grande entre toutes sortes de personnes, mais specialement parmy les Dames de ce Royaume; desquelles, comme ciuilles & honnestes au possible, sa Majesté est honorée, aimée, & seruié tres dignement. Le gentil-homme porteur

dè cette, va pour en donner l'agreable
nouuelle au Roy de la grand' Bretagne,
& au Prince de Galle son fils. Cependant
le nostre se prepare pour son voyage de
Silesie, Luface & Morauie, pour y rece-
voir le serment de fidelité de ces Prouin-
ces là. Il y a apparence qu'en suite de
celà, sa Majesté & le nouveau Roy de
Hongrie Gabor se verront, lequel apres
son election faicte à Presbourg en l'as-
semblée des Estats generaux du Royau-
me y a esté Couronné. Aux suffrages de
son election, ayant esté seul admis avec
luy nostre Roy, il a eu autant de voix, à
deux prés, que ledit Roy Gabor, tant
entre les Protestans Euangeliques, que
Catholiques Romains. Ce qui n'est pas
pour alterer la bonne correspondance
des deux Rois, cela s'estant passé ainsi,
pour bonnes & grandes considerations,
& desiré particulierement par celuy de
Hongrie.

Nous auõs aduis certain de Varsoüe du 8. de ce mois, que bien que l'Euesque de Neus eust tousiours sollicité tres-instamment le Roy de Pologne son beau-frere, d'enuoyer secours à l'Empereur, par diuertissemēt sur la Silesie ou Transylvanie, que les Senateurs du Royaume, principalement ceux de la haute Pologne, s'y sont tousiours opposez; & auroient dererchef escript audit Roy, de veiller plustost à la cōseruation du Royaume, que de penser à releuer les affaires de la maison d'Autriche. Et qu'il faudroit assez plus de forces, que n'en sçauroit faire la Polongne, à ce bien entendre, pour reduire les pays perdus sous l'obeissance de l'empereur. Neantmoins le sieur Homonay Hongrois aiant trouué moien de ramasser quelques troupes, tant de Polonnois volontaires, que de Cosaques, iusques à huiēt mil cheuaux, seroit entré eu Hongrie par les montai-

gnes près de Portefelt, où aiant cōmen-
 cé à faire du degast, pour faire crier à
 l'aide 20000. Hongrois & Transsylvains,
 sous la charge du sieur Bagazy Lieute-
 nant general du Roy Gabor de ce costé
 là, s'estât fait passage dans lesdites mon-
 taignes, auroit environné & attaqué si
 furieusement ledit Homonay, qu'il se
 roit sauvé à la fuitte avec peu de gens, les
 autres taillez en pieces.

Le Comte de Mansfeldt par la com-
 position faiëte à ceux qui estoient dans
 Pissik de sortir avec l'espée seule au co-
 sté: Quelques-vns de son armée aiant
 déualisé ceux qui en estoient sortis, en
 auroit fait faire chastiment, en faisant
 tuer quelques-vns à l'instât, & fait pren-
 dre les autres. Les habitans de la ville
 pour auoir la plus-part vuidé & aban-
 donné la ville depuis la prise par le Comte
 de Buquoy, il s'y feroit engendré vne
 telle corruption & puanteur à cause des

corps morts, & faute de gens qui prissent garde à la tenir nette, qu'elle s'est trouuée presque inhabitable à cette reprise: d'ailleurs partie des maisons demolies ou bruslees. De cette heure, ledit sieur Comte va attaquer Crommau, & Budeuis, & les presser autant que la saison le peut permettre.

Le 12. de ce mois, les Officiers de la Couronne de ce Royaume, ont trouué dans le logis du chef des Finances du temps de l'Empereur Matthias, de present banni du Royaume 80000. reichs tales en especes.

Par plusieurs dépesches de diuerses dattes faiçtes de Vienne & à Espagne, Brucelles interpretees par nos gens, on recognoist vn grand desespoir es affaires de la maison d'Autriche: Et que ladite ville venant a estre pressée dauantage qu'elle n'a esté iusques icy, elle n'est pas en estat de nous y arrester

long temps. D'ailleurs nous aprenons
 aussi par les lettres qui y ont esté escri-
 tes d'Espagne & Brucelles, depuis la re-
 traitte qu'y a faiçte le Comte de Bu-
 quoy , le peu d'esperance qu'on leur
 donne de secours. l'estime que vous en
 aurez parler bien-tost, à leur grand des-
 plaisir , comme aussi du costé de la
 Carinthie & Styrie.

